

# 17 doturs mancel al momënt tl Südtirol y plü de 800 sura döta la Talia. Surapró jará tröc en ponsiun ti proscims agn.

📅 04/06/2026

Vigni dotur di mituns tla provinzia de Balsan mëss ti sté do a plü de 1.000 paziënc, aladô dla fondaziun "Gimbe".

Dantadöt tla Talia dl nord dessel, aladô dla fondaziun "Gimbe", ester na gran manciaanza de doturs di mituns, che aumentará tl dagní.

A nivel nazional dessel mancé plü de 800 doturs di mituns por garantí le sorvisc do regola. Incër 1.500 i doturs ch'é püch dan da jí en ponsiun.

## La manciaanza tl Südtirol

La manciaanza de doturs é inc da sintí dassënn tl Südtirol, ch'é danter les provinzie ch'al mancia le plü doturs. 17 doturs por i mituns mancel al momënt a nivel provinzial y anter le 2029 dess 7 doturs jí en punsiun.

Aladô dla fondaziun mëss vigni dotur di mituns tla provinzia de Balsan ti sté do a plü de 1.000 paziënc.

La diretiva statale é al mascim de 800 paziënc a dotur.

Injunté á la findaziun "Gimbe" che le 72 porcënt di mituns pó se chirí fora le dotur tl Südtirol, deperpo che la perzentuala nazionala é dl 83 porcënt.

**Tag**    manciaanza de doturs    doturs di mituns    Südtirol  
Balsan    Aziënda sanitaria